

雲
林
神
毅



太醫曹院龔先

生雲林神穀

夫醫者意也切脉察色聽聲審形要在推
吾意與受病者兩相印而無疑而後其陰
陽榮衛始克就吾之調劑而各當譬則射
者必有彀率其中非爾力也亦如醫之以
意中也上世岐黃倉扁無論其在中古所
流傳者獨丹溪仲景得其解而所著述迄
今垂不朽近代以來質愚下士爭冒醫名
以殫人財而究則不殫人之命不止其於

穀之藩籬且大有徑庭矣太醫雲林龔君
少則精其業居大梁之都名燁々在諸薦
紳間所撰有古今醫鑑萬病回春二書已
膾炙海內而最後有神穀若干卷遠近競
慕而繕寫之至湧洛陽之價其姻對峰周
君圖付剞劂而丐叙於不佞不佞家茗雪
去龔君遼遠即未親沾藥石而徃歲得二
書便取方之資真昔人所稱千里神交也

者茲覽是書方脉幼科以至內府秘方種
種收錄而尤系之歌訣能令誦習者愉心
快目尤遠出前二書上允矣龔君詎非神
於醫彀而不為大言無當哉異時計君用
是書取效當世必且如由基之矯矢而猿
蹄蒲且之縈繳而鳧下褭宇賢愚咸受不
報之賜而其書世之不朽又寧在丹溪仲
景下也對峰君曰然請書之用為左券

省

萬曆辛卯春月吉歸安鹿門山人茅坤撰

新鐫雲林醫叢目錄

卷之一

真中風

類中風

傷寒

附傷風

中寒

瘟疫

中暑

中濕

火證

內傷

傷食

鬱證

痰飲

咳嗽

喘急

哮喘

卷之二

瘡疾

痢疾

泄瀉

霍亂

嘔吐

惡心

翻胃

呃逆

噯氣

吞酸

體雜

諸氣

青筋

痞滿

鼓脹

水腫

積聚

五疸

痼冷

斑疹

發熱

諸虛

虛勞

吐血

衄血

咳血

咯血

唾血

溺血

便血

腸風下血

臟毒下血

臟寒下血

積熱下血

盜汗

自汗

眩暈

麻木

癲狂

癰症

健忘

怔忡

驚悸

屋煩

不寐

邪崇

卷之三

頭痛

鬚髮

面病

耳病

鼻病

口舌

牙齒

眼目

咽喉

結核

梅核氣

癭瘤

肺癰

肺痿

心痛

即胃脘痛

腹痛

腰痛

脇痛

臂痛

背痛

痛風

脚氣

癰疽

痿躄

消渴

瘰癧

濁症

遺精

小便閉

大便閉

大小便閉

痔漏

懸癰

脫肛

諸蟲

脫鼻

婦人

經閉

血崩

帶下

虛勞

求嗣

妊娠

產前

產後

乳病

卷之四

小兒

急驚

慢驚

疳疾

癰疾

諸熱

感冒

傷食

瘧疾

痢疾

咳嗽

吐瀉

喘急

盜汗

肥瘡

蟲痛

發斑

痘瘡

麻疹

癰疽

瘰癧

馬刀瘡

疥瘡

便毒

附魚口瘡

下疳

楊梅

鰔瘡

血風瘡

疥瘡

癬瘡

癰風

諸瘡

杖瘡

折傷

金瘡

破傷風

蟲獸傷

湯火傷

沖毒

骨腭

通治

雜方

眼藥

膏藥

新鐫雲林神穀卷之一

太醫院醫官金谿雲林龔廷賢子才編著

男懋陞

門生同邑吳濟民

全校

歌曰

雲林清隱著岐黃。彙括歌中要審詳。某脉某

證分虛實。何方何藥辯溫涼。勘破玄機如中鵠。勿勞
岐路問亡羊。醫家有此真神穀。萬世蒼生慶澤長。

真中風

○屬厥陰風木脉浮滑弦數順沉細短瀋逆。

○中風口禁遲浮吉急實大數三魂孤。

○中風不治證。

中風鼻鼾口張氣直面赤如粧汗綴如珠頭面青黑痰聲拽鋸吐沫上攬搖頭髮直眼開手散遺尿不知已上諸證不治無疑。

○真中風因體氣虛風邪外感卒昏迷中腑中臟中血脉氣虛血虛分治之。

○中風急口噤卒倒昏不省先要通關竅後治風痰。

症。

搐鼻通關散。皂角細辛末。少許吹鼻中。有嚏即可活。
一方用生半夏末吹之。治中風痰厥。不省人事。并
壓死。縊死。溺死。魘死。及產後暈死。

中風牙關緊。南星末半錢。龍腦入少許。擦牙即能言。
一方用烏梅肉。搗南星。細辛末。擦牙即開。亦可。

中風痰氣厥。巴豆帑搗油。油帑撚入鼻。涼氣通頂頭。
一方用巴豆帑搗油。燒烟薰入鼻中。即省。

○痰在上者。當吐之。宜後方。

中風忽口噤。痰厥不省事。桐油掃喉中。吐出痰爲愈。
一方用香油。加麝香一二分灌之。或姜汁亦可。

中風痰涎盛。瓜蒂一錢淨。爲末熟水吞。吐痰如神應。
一方加輕粉五分。水調勻灌服。良久涎自出。如未
出。含沙糖一塊。下咽卽吐。不損人。

中風痰氣閉。礬皂均研細。二錢姜湯調。稀出涎爲貴。
中風卒痰厥。辰砂白礬末。三伏入猪膽。陰乾用一捻。
涼水研化灌。頃刻語能說。

中風卒不語。牙皂蜜煎水。吹些入口中。能起昏沉睡。